

21.02.20.
01/3
45
E

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-4-5/20

Datum, 19.02.2020. godine

Na osnovu člana 14. stav 3. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu „JUMP LOGISTCS“ Društvo sa ograničenom odgovornošću za logistiku, transport, trgovinu i usluge Sarajevo, Džemala Bijedića broj 133/a, zastupan po direktoru Salkić Hasibu, a isti po punomoćniku advokatu Rakić Dejanu, za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odbija se „JUMP LOGISTCS“ Društvo sa ograničenom odgovornošću za logistiku, transport, trgovinu i usluge Sarajevo, Džemala Bijedića broj 133/a, 71 000 Sarajevo, zastupan po direktoru Salkić Hasibu, a isti po punomoćniku advokatu Rakić Dejanu, pristup sljedećim informacijama:

- carinske isprave u vezi navedenog postupka otpreme/carinjenja projektila iz pack liste 14x20 kontejnera, iz fabrike Pretis, preko Luke Ploče do Luke Karachi-Pakistan, u skladu sa najavom kretanja od 14.9.2016. godine podnijete od strane PRETIS d.o.o., te u skladu sa Zahtjevom za izvozno carinjenje robe van terminala DTS ŠPED od 16.9.2019.godine;
- informaciju koje pravno lice je zastupalo PRETIS d.d. Vogošća u navedenom postupku carinjenja, ta da im se dostavi ovlaštenje za preduzimanje navedenih radnji, ili nalog-ugovor ili bilo koji dokaz iz kojeg proizilazi da je DTS preduzimao radnje u skladu sa ovlaštenjem.

Obrazloženje

„JUMP LOGISTCS“ Društvo sa ograničenom odgovornošću za logistiku, transport, trgovinu i usluge Sarajevo, Džemala Bijedića broj 133/a, 71 000 Sarajevo, zastupan po direktoru Salkić Hasibu, a isti po punomoćniku advokatu Rakić Dejanu, podnijelo je dana 24.01.2020. godine Upravi za indirektno oporezivanje BiH, Zahtjev za pristup informacijama, kojim se traže carinske isprave u vezi navedenog postupka otpreme/carinjenja projektila iz pack liste 14x20 kontejnera, iz fabrike Pretis, preko Luke Ploče do Luke Karachi-Pakistan, u skladu sa najavom kretanja od

14.9.2016. godine podnijete od strane PRETIS d.o.o., te u skladu sa Zahtjevom za izvozno carinjenje robe van terminala DTS ŠPED od 16.9.2019.godine; informacija koje pravno lice je zastupalo PRETIS d.d. Vogošća u navedenom postupku carinjenja, ta da im se dostavi ovlaštenje za preduzimanje navedenih radnji, ili nalog-ugovor ili bilo koji dokaz iz kojeg proizilazi da je DTS preduzimao radnje u skladu sa ovlaštenjem.

U postupku odlučivanja po podnesenom zahtjevu ocijenjeno je da nisu ispunjeni uslovi za odobravanje pristupu traženim informacijama, iz sljedećih razloga:

S obzirom da su predmetnim zahtjevom zatražene informacije koje uključuju povjerljive komercijalne interese treće strane, u skladu sa članom 7. Zakona o slobodi pristupa informacijama u Bosni i Hercegovini („Službeni glasnik BiH“, broj 28/00, 45/06, 102/09, 62/11 i 100/13), Uprava za indirektno oporezivanje je, aktom broj 01/3-50-4-UP/I-4-2/20 od 30.01.2020. godine od pravnog lica „PRETIS“ d.d. Vogošća, zatražila pisano odobrenje za javnu objavu istih, a aktom 01/3-50-4-UP/I-4-3/20 od 30.01.2020. godine je zatražila pisano odobrenje za javnu objavu istih i od pravnog lica „DTS ŠPED“ d.o.o. Sarajevo.

Ova uprava obaviještena je da gore navedeni nisu saglasni sa objavom traženih podataka. Iz prednje navedenog proizilazi da, s obzirom na to da je Vaš zahtjev usmjeren na traženje podataka koji predstavljaju povjerljive komercijalne informacija treće strane, i za čije objavljivanje je potrebna saglasnost treće strane u skladu sa članom 7. Zakona, a kako ista nije dobijena od strane gore navedenog pravnog lica, iste Vam ne možemo dostaviti.


Slijedom navedenih činjenica, odlučeno je kao u dispozitivu rješenja.

Pouka o pravnom lijeku: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke broj 13, 78000 Banja Luka.

Dostaviti:

1. Advokat Dejan Rakić, Ul.Maršala Tita 28,
71 000 Sarajevo (uz dostavnicu)

2. Odjeljenju 01/3 2x
3. a/a



NAČELNIK ODJELJENJA

RATKO KOVAČEVIĆ